

**Sar wunderbarliche**  
erschreckliche/ vnd seltsame Newe Zei-  
tung/ Geschehen in einem Dorff/  
nahent bey S. Annaberg ge-  
legen/ im M. D. XL. jar.

**Auch dabey andere newe Zeitung/**  
so im Land zu Behem gesche-  
hen sein.

Das Buch ist ein  
Handwritten text in Gothic script, likely a title or a section header, appearing as a faint watermark or bleed-through from the reverse side of the page.

Das Buch ist ein  
Handwritten text in Gothic script, likely a title or a section header, appearing as a faint watermark or bleed-through from the reverse side of the page.

Handwritten text from the adjacent page, visible on the right edge of the image. The text is in Gothic script and includes words such as "zu", "ih", "lei", "da", "ber", "ba", "zu", "lang", "t", "das", "auch", "gen", "Kelb", "sein", "gen", and "erbarn".

## An den Leser.



Nach dem mir / Freundlich  
cher lieber Leser / in kurz verschieenen  
tagen / ein gar wunderbarliche er-  
schreckliche vnd seltsame Newe zeis-  
tung zukomen ist / welche sich new-  
lich in einem Dorff nahent bey Sant  
Annebergt begeben hat / Nemlich also / Das ein Baur  
in dem selbigen Dorff / zu seiner notturfft / ein Kalb ge-  
stochen vnd abgeschlacht / Daneben seine Kinder vmb  
vnd dabey gewesen / Aldo mit vreis zugesehē / wie man  
mit dem genanten Kelblein gehandelt. Nu hat es sich  
zugetragen / das die selbige fraw im haus / hernach zu  
ihrer Nachbarin ist gegangen / für die wochen oder vil  
leicht in eins ander geschafft / Vnd die Kinder allein  
daheymen gelassen / sampt einem kleinen Kindelein in  
der wigen / Ist auch im willens gewest nicht lang vom  
haus zu bleiben / Also haben die Kinder angefangen  
zu kurtzweilen / wie sie dann pflegen zuthun / vnd nicht  
lang können stille sitzen / In deme hat das ein Kind ein  
Messer bekommen / vnd gesaget / Ist auch wol möglich  
das es mit solchen worten geschehen sey ( Wir wollen  
auch des Kelbleins spielen ) Vnd vnser Kind in der wi-  
gen abstechen vnd abschlachten / wie vnser Vater dem  
Kelblein gethan hat / das Kind sol vnser Kelblein  
sein / zc.

Wie nu dem allen / Do sind sie zu der wigen gans-  
gen / vñ das Kindlin abgestochen ( Got der allmechtig  
erbarm es ) Das es auch sehr geblut hat / Vnd do sie nu  
2 ij gese-

gesehen / das das Kindlein also gezappelt vñ der Tod  
mit ihm gerungen / auch zu letzt kein leben / mehr da ge-  
west / ist sie ein grosse forcht vnd zittern antomen /  
von wegen des vnschuldigen Kindleins / Haben auch  
für grosser angst nicht wissen zu bleiben / noch wohin  
naus / Sind sie endlich in den ofen gekrochen / vnd ha-  
ben sorg gehabt / die Mutter möcht sie darumb schla-  
hen oder steuppen / das sie also vbel gehandelt ha-  
ben.

Lezlich ist die Fraw widerumb anheim komen /  
vnd eilents in die küchen gangen / vnd wöllen ein sewr  
ein machen / Dieweil sie die Kinder nicht hat hören  
weinen in der stuben / hat die gut fraw gemeint / es ha-  
be kein not mit den Kindern / Tu kan man wol abnes-  
men / wie sich die andern zwey Kinder haben geforcht  
in dem ofen / für ihrer Mutter / als sie die gehört haben.  
Also hat die Fraw Stro vnd Reisig in den ofen ge-  
worffen / vnd als bald angezündt / nachmals flugs  
in die stuben gangen / das kleine Kind also jemerlich er-  
stochen vnd mit blutigen windeln oder betlein sehen  
ligen / Ist sie also bald für grossen erschrecknis  
vnd hertenleid / aus der stuben für das haus geloffen /  
mit grossen heulichen geschrey / zetter vnd mordio ge-  
schrien. Als solchs die nachbarn umbher gehört / seind  
sie gar sehr erschrocken vnd zugelauffen / gefragt / was  
ihr doch sey / das sie so erbermlich vnd jemerlich schrey /  
hat das betrubte weib angefangen / mit seuffzen / wey-  
nen vnd weklagen / O lieben Nachbarn vnd Nachbar-  
in / kumpt vñ schaut mein gros hertenleid / welches mir  
ist widerfahren / Als sie nu sind in die stuben mit ihr gan-  
gen / haben sie das Kindlein in der wigen sehen Tod-  
ligen / vnd mit blut vberlossen / Do hat sich erst ein  
gros

gros heulen vñ weinen gehoben / zu dem allen habe sie  
das kleine Kind auffgehoben / solchs beschawet / Habe  
sie befunden / das es mit einem Messer ist gestochen  
worden / Weiter hat die Fraw die andern Kinder nu  
auch vermist / vnd sie wöllen suchen / inn dem haus oder  
hoff / mit ihren Nachbarn / Alda hat sie gehort ein ge  
tummel vnd poltern in dem ofen / Do sind die zwey  
Kinder in dem ofen vmbgefallen / vnd von dem Rauch  
vnd Feuer erstickt / Vnd mit den füßen also an den  
ofen gestossen / Ist sie als bald für den ofen geloffen /  
vnd gesehen / was doch in dem ofen also puch vñ stos /  
Also haben sie die andern zwey Kinder in dem ofen li  
gen gefunden / Vnd die von stundan heraus gezogen /  
Do sind sie beyde tod gewesen / Vnd sind also drey vns  
schuldige töde mit einander geschehen. Nu kan ein  
itzliche Mutter bedencfen / was die betrübtte Fraw für  
ein iamer vnd schmerzen in ihrem hertzen hat gehabt /  
do sie ihr eigne Kinder hat für ihren augen sehen tod  
ligen.

Solches hab ich lieber Leser von einem glaubwirs  
digen Man gehört / Der es dann von einem Bauern ers  
faren / der inn dem selbigem Dorff daheymen ist / Wel  
ches auch viel andere Leut wol wissen / das es also ge  
schehen sey / Vnd viel anders / welchs ich vmb kütz wil  
len vnterwegen las.

Derhalben wil ich alhie alle frome Eltern / haus Ve  
ter vnd Mütter gewarnet vnd vermahnet haben / das  
sie wöllen dieser erbermlichen geschicht ganz vleissig  
war nemen / auff das sie die kleinen Kinder nicht alles  
lassen sehen / es sey mit Worten oder wercken / Dann

A iij die

die Kinder sein gleich wie die Affen / was sie sehen / das  
wollen sie nach thun vnd beginnen.

## Neue Zeitung / so im Land zu Behem ergangen sind.

Es ist auch die gemeine sag / das in dem Land  
zu Behem newlicher zeit / sol Feuer von dem himel  
gefallen sein / vnd ein Peytsche oder geißel an dem himel  
gesehen / Daran drey strichen oder strimen gewes  
sen sey / Welchs dann verlangst auch ein mal gesehen  
ist worden / der gestalt wie izunder / Vnd schreiben  
nemlich etliche gelarte Menner der meinung daruon /  
das die drey strimen bedeuten Pestilenz / Krieg / vnd  
Thewre zeit / welches dann in kurz zum teil ist ergan  
gen / vnd noch teglich ergeheth / Das in dreien Stedden  
nahent beyeinander gelegen / die Pestilenz sehr regire  
hat / Das auch etlich hundert Menschen sein gestor  
ben / wie dann viel Lewt wissen.

So ist es zu besorgen / das es diesen zukünfftigen  
Sommer schwerlich one Krieg wird zugehen / nach an  
zeygung der Astronomi / Ist es nicht alhie in diesen  
Landen / so möcht es aber an andern örten werden.

Wir haben auch diesen vergangen Herbst vnd  
Winter nicht ein kleine Thewrung gehabt / Das auch  
viel arme leut hunger vnd komer haben geliden / Also  
ist dieses alles ergangen 2c. Der allmechtige ewige  
Got / vnser lebens aller höchster beschützer / vñ rechter  
Warhafftiger helffer / der wolle es alle zeit mit vns  
schick



177  
In dem Jahr 1777  
am 10ten Junii  
wurde in der  
Stadt Gießen  
das folgende  
Verbot erlassen  
In dem Jahr 1777  
am 10ten Junii  
wurde in der  
Stadt Gießen  
das folgende  
Verbot erlassen  
In dem Jahr 1777  
am 10ten Junii  
wurde in der  
Stadt Gießen  
das folgende  
Verbot erlassen



**Sar wunderbarliche**  
erschreckliche/vnd seltsame Neue Zei-  
tung

na

Auch

